

ՍՈՒԼԹԱՆ ԱՔԴՈՒԼ ՀԱՄԻԴ II-ի ՀԱԿԱՀԱՅԿԱԿԱՆ ՔԱՂԱՔԱԿԱՆՈՒԹՅՈՒՆՆ
ԱՐԱՐԱԿԱՆ ԺԱՄԱՆԱԿԱԿԻՑ ՊԱՏՄԱԳՐՈՒԹՅԱՆ ԳՆԱՀԱՏՄԱՄԲ

Պատմ. գիտ. դոկտոր Ն. Հ. ՀՈՎՀԱՆՆԻՍՅԱՆ

Արաբական պատմագրությունը բավականին հարուստ ավանդույթներ ունի Հայաստանի և հայ ժողովրդի պատմության տարբեր շրջանների լուսաբանման բնագավառում: Դա պայմանավորված է ինչպես պատմական-աշխարհագրական, այնպես էլ քաղաքական հանգամանքներով: Հայերը և արաբները պատկանում են միևնույն աշխարհագրական միջավայրին՝ Մերձավոր Արևելքին և վաղնջական ժամանակներից նրանց միջև հաստատվել են տարաբնույթ քաղաքական, առևտրատնտեսական և մշակութային կապեր: Երբեմն-երբեմն այդ կապերը չափազանց ինտենսիվ բնույթ են կրել, հատկապես այն ժամանակներում, երբ նրանց ճակատագրերը քաղաքական առումով հանգուցվում էին և կամ սերտորեն խաչաձևվում, մանավանդ երբ արաբները և հայերը հայտնվում էին միևնույն պետական միավորման շրջանակներում: Այս հանգամանքը չէր կարող չնպաստել երկու ժողովուրդների մերձեցմանը, հատկապես այն շրջանում, երբ արաբները և հայերի արևմտյան հատվածը հայտնվեցին Օսմանյան բռնատիրական կայսրության տիրապետության ներքո: Եվ դարերի ընթացքում կուտակված այս հարուստ շերտը պետք է որ իր շատ թե քիչ համարժեք արտացոլումը գտնեն ինչպես հայկական, այնպես էլ արաբական պատմագրության մեջ: Սակայն չպետք է կարծել, թե ընդհանուր ժամանակներում արաբական պատմագրությունը միևնույն աստիճանի հետաքրքրություն է ցուցաբերել պատկերավոր ասած՝ հայկական նյութի հանդեպ: Այդ բնագավառում եղել են վերելքներ և վալիչքներ, սակայն ոչ ընդմիջումներ:

Վերջին տասնամյակներում արաբական պատմագրության կողմից կրկին նկատվում է հարաճուն հետաքրքրություն հայ ժողովրդի ինչպես ամբողջական պատմության, այնպես էլ դրա առանձին պորբլեմների նկատմամբ: Կահիրեում, Դամասկոսում, Հալեպում, Բեյրութում և այլուր լույս են տեսնում ոչ միայն բազմաթիվ հոդվածներ և հաղորդումներ, այլև առանձին ստվարածավալ մենագրական ուսումնասիրություններ, որոնցում քննության են ենթարկվում հայ ժողովրդի անցած ուղին, նրա մաքառումները իր ազգային ինքնատիպությունը և գոյությունը պահպանելու համար, նրա ներդրումը համաշխարհային քաղաքակրթության զարգացման մեջ և բազմաթիվ այլ հարցեր:

Բնականաբար հարց է ծագում, թե որո՞նք են հայկական թեմայի հանդեպ արաբական պատմագրության մերօրյա հետաքրքրության աճի և կամ այդ թեմային դիմելու դրդապատճառները: Դրդապատճառները շատ են, ուստի մենք կանգ կառնենք միայն դրանցից ամենագլխավորների բացահայտման վրա, որոնք, ինչպես կարծում ենք, հանդիսանում են հիմնային և կողմնորոշիչ բնույթ ունեն:

Առաջին, XIX դարի երկրորդ կեսին—XX դարի սկզբներին, արաբական քաղաքական միտքը հանգեց մի կարևոր ճշմարտության՝ որ գոյություն ունի ընդհանրություն արաբների և հայերի, ինչպես նաև հույների, սլավոնների և Օսմանյան կայսրության մյուս ոչ թուրք ժողովուրդների շահերի միջև օսմանյան բռնատիրական լծից ազատագրվելու հարցում: Արաբական ազգային-քաղաքական գործիչները գտնում էին, որ իրական հիմք կա միավորելու կայսրության բոլոր ոչ թուրք ժողովուրդների ջանքերը իրենց ազգային գոյության, ինքնություն և արժանապատվության պահպանման համար մղվող պայքարում: Այդ առումով հիշատակության է արժանի «Արաբական հայրենիքի և

գալի» գլխավոր կոմիտեի 1905 թ. հրապարակած «Արաբական երկրները արաբներին» կոչը, որտեղ ասվում էր. «Թուրքիայից մեր անջատման փաստի շնորհիվ ճնշված բոլոր ազգերը՝ քրդերը, հայերը, ալբանացիները և այլն, իրենց ազատությունը պիտի ձեռք բերեն, քանի որ արաբների միջոցով է, որ սանձահարում են ալբանացիներին և ալբանացիներին ձեռքով է, որ ճզմում են բուլղարներին: Դարձյալ արաբների ձեռքով է, որ ճնշում են քրդերին և քրդերի ձեռքով է, որ ջարդում են հայերին: Հետևաբար, հենց որ մենք լքենք սուլթանին (Աբդուլ Համիդ II-ին—Ն. Հ.), ամեն մի ազգ պիտի իր անկախությունը հռչակի»¹: Խիստ ուշագրավ է արաբական աչքի ընկնող քաղաքական գործիչ Նաջիբ Աղուրիի նամակը հայ հասարակական գործիչ, «L' Armenie» թերթի հրատարակիչ Մինաս Զերազին, թվագրված 1905 թ. ապրիլի 15-ով: Նամակում Աղուրին շնորհակալություն է հայտնում հայերին այն «խանդավառության համար, որով դիմավորեցին արաբների հայրենիքի զարթոնքը և այն վեհանձն կամ պահայի համար, որ բարեհաճել էր ձեռնարկել ի նպաստ մեր ազգային շարժման»²: Դրանով իսկ, շարունակում է Նաջիբ Աղուրին, «մյուս կուսակցություններից առաջ հայերը մի անգամ ևս ցույց տվեցին, որ գիտակցում են մեր ընդհանուր շահերը»³: Նա հայերի ամենակարևոր արժանիքներից մեկը համարում է այն, որ «հայերը չեն վախեցել տասը տարի առաջ (այսինքն 1890-ականներին, Աբդուլ Համիդի տիրապետության շրջանում—Ն. Հ.) արթնացնելու իրենց ազգային զգացմունքը ասիական ժողովուրդների մեջ թուրքաշերքեզական բռնակալության դեմ, այնպես ինչպես հույները XIX դարի սկզբում համարձակություն ունեցան ազդանշան տալ բալկանյան ժողովուրդներին աղատագրովիլու քմահաճ փաղիշահների դաժան բռնակալությունից»⁴: Արաբական գործիչի հզորանգումը, որը բնորոշ է նաև XIX դարի վերջերի—XX դարի սկզբների արաբական մյուս ազգային-քաղաքական գործիչներին, հետևյալն է. «Պետք է ճանաչենք և հասկանանք իրար և պետք է միանանք հարձակվելու համար ընդհանուր թշնամու դեմ, որն այնքան շատ օգտվեց մինչև հիմա մեր անհամաձայնությունից մեզ առանձին-առանձին ջախջախելու համար»⁵: Արաբական ժամանակակից պատմագրությունը, անդրադառնալով հայ ժողովրդի տարբեր շրջանների պատմության հարցերին, այդ թվում և արդուհամիդյան շրջանին, մեկնակետ ունի Օսմանյան կայսրության ոչ թուրք ժողովուրդների շահերի ընդհանրության գաղափարը, որը, ինչպես նշվեց, XIX դարի երկրորդ կեսի և XX դարի սկզբների արաբական քաղաքական մտքի արգասիքն է:

Երկրորդ, ինչպես նշել ենք, արաբները և արևմտահայերը Օսմանյան կայսրության հպատակներն էին և դարձել էին բախտակից ժողովուրդներ: Նրանք գտնվում էին համանման ծանր քաղաքական պայմաններում: Հետևաբար, թուրքական սուլթանին ենթակա որևէ ոչ թուրք ժողովրդի (տվյալ դեպքում՝ հայերի) պատմության ուսումնասիրության ուղղությամբ կատարվող ամեն մի քայլ արաբական ժամանակակից պատմաբանները դիտում են որպես շատ կարևոր քայլ բուն արաբ ժողովրդի պատմության ավելի խորը և բազմակողմանի ուսումնասիրության, նրա այս կամ այն պրոբլեմն ավելի հիմնավոր կերպով ըմբռնելու և ճշմարտացիորեն լուսաբանելու համար: Դրանով է պայմանավորված նրանց աճող հետաքրքրությունը XIX դարի վերջի—XX դարի սկզբի Արևմտյան Հայաստանի պատմության հանդեպ:

¹ Արաբական մի շարք փաստաթղթեր արաբ-թուրքական հարաբերությունների վերաբերյալ. կազմեցին, թարգմանեցին և ծանոթագրեցին Հ. Ս. Սարգսյանը և Ա. Հ. Թոփալյանը.— Մերձավոր և Միջին Արևելքի երկրներ և ժողովուրդներ, հ. VI, Արաբական երկրներ. Երևան, 1974, էջ 218:

² Նույն տեղում, էջ 210:

³ Նույն տեղում:

⁴ Նույն տեղում, էջ 219—220:

⁵ Նույն տեղում, էջ 220:

Այստեղ պետք է ի նկատի ունենալ մի կարևոր հանգամանք ևս: XIX դարի երկրորդ կեսին սկսվեց արաբների կուտուր-լուսավորչական և քաղաքական զարթոնքը, որը պատմության մեջ մտել է Նահդա հորջորջմամբ: Արաբների պատմության այդ ժամանակահատվածի ուսումնասիրությունը շարունակում է մնալ արաբական ժամանակակից պատմագրության ուշադրության կենտրոնում: Սակայն այս հարցի առնչությամբ մեզ հետաքրքրողն այն է, որ հայերը զգալի դեր են խաղացել արաբական Զարթոնքի (Նահդայի) սկզբնավորման և զարգացման գործում, մասնավոր իրաձեռնում, Սիրիայում և Եգիպտոսում: Եվ Նահդայի դարաշրջանն անհնար է ամբողջականորեն և հարազատորեն լուսաբանել առանց հայ գործիչների դերի լուսաբանման, որը և, ի դեպ, մեծ շնորհակալությամբ կատարում են արաբական պատմաբանները: Այսպես, օրինակ, իրաձեռնի պատմաբան Յուսուֆ Ցազբեկը ընդգծում է, որ Շազնիվ հայերի մի խումբ մասնակցեց գրական վերածննդին, որը սկսվեց մեզանում անցյալ դարում⁶: Նա նշում է Գրիգոր Վարդապետի, Հաննա Աբգարիոսի, Ռիզալլա Հասունի (Հասունյան), Հովսեփ Բաքոսի անունները, որոնք դրվում են Նահդայի արաբական երևելի գործիչների՝ Սմին Շմեյլի, Համզա ալ-Հուսեյնի, Միքայել Մշակկայի, Բուտրուս ալ-Բուստանի, Նասիֆ ալ-Ցազիջիի և այլոց անունների կողքին: Արաբական բոլոր հետադոտողները, խոսելով Նահդայի դարաշրջանի մասին, առանձնացնում են նրա ամենապայծառ աստղերից մեկին՝ հայազգի Ադիբ Իսհակին (Ջալմատյան), որի գործունեությունը խոր հետք է թողել հետագա շրջանի արաբական քաղաքական մտքի և հոգևոր-ինտելեկտուալ զարգացման վրա: Արաբ պատմաբան էմիլ Թուման նրան համարում է XIX դարի արաբական ազգային գաղափարախոսության ճանաչված առաջնորդը⁷: Եթե սրան ավելացնենք, որ XIX դարի երկրորդ կեսից սկսած հայերը ակնառու դեր են խաղացել արաբական երկրների, մասնավորապես Լիբանանի և Եգիպտոսի պետական կյանքում, երբ 1861 թ. ինքնավարություն ստացած Լիբանանի առաջին կառավարիչը եղավ Հարություն Կարապետ Դաուդյանը⁸, իսկ 1880-ական թթ. Եգիպտոսի պրեմիեր-մինիստրի պաշտոնը երկար ժամանակով զբաղեցնում էր Նուբար Նուբարյանը, ապա պարզ կդառնա հայերի խաղացած նշանակալի դերը արաբական երկրների քաղաքական կյանքում և հոգևոր-մշակութային բնագավառում: Դրա հետ միաժամանակ հասկանալի կդառնան արաբների կողմից հայերի XIX դարի և XX դարի սկզբի պատմությանն անդրադառնալու շարժառիթները:

Երրորդ, հայտնի է, որ թուրքական կոտորածներից փրկված շատ հայեր ապաստան գտան արաբական տարրեր երկրներում, մասնավորապես Սիրիայում, Լիբանանում, Եգիպտոսում, Իրաքում, Հորդանանում և այլուր: Նրանց թիվն այսօր մոտավոր հաշիվներով կազմում է մոտ կես միլիոն: Արաբական երկրներում հաստատված հայերը յուրաքանչյուր տարվա ապրիլի 24-ին հրապարակորեն նշում են Եղեռնի օրը: Արաբների ավագ սերունդը, որն ականատես էր եղել հայկական ջարդերին և հյուրընկալորեն ընդունել էր հայ տարագիրներին, շատ լավ ծանոթ էր հայկական ողբերգությանը: Սակայն այժմ աճել է մի սերունդ, որը շատ աղոտ կերպով կամ համարյա ոչինչ չգիտե այդ մասին, նրանցից շատերը չգիտեն անգամ, թե հայերն ինչու և ինչպես են հայտնվել

⁶ يوسف بزبك ، دور الارمن في الازمة التاريخية بين الفاتيكان والبطريرك اسطفان — « المدينة » ، بيروت ، ١٩٧٤ ، العدد ٢٤ ص ١٥ (Յուսուֆ Ցազբեկ. Հայերի դերը Վատիկանի և պատրիարք Ստեփանոսի միջև ծագած կոնֆլիկտի ժամանակ. — «Ալ-Մադինա», Բեյրութ, 1974, № 24, էջ 15):

⁷ Э. Туман. Национально-освободительное движение и проблема арабского единства (перевод с арабского), М., 1977, с. 78—79.

⁸ Հետագայում այդ պաշտոնը ստանձնեցին ևս երեք հայ գործիչներ, այդ թվում և վերջին մոնարխիստ Զովհաննես Գույումյանը: Լիբանանի ինքնավար ստատուսը երիտթուրքերը վերացրին 1914 թ.:

արաբական երկրներում: Բեյրութում նորերս արաբերեն՝ լեզվով լույս է տեսել «Հայկական ջարդերը» գիրքը, որտեղ ամփոփված են թիւրքական պաշտոնյա Նաիմ-բեյի հուշերը և լիբանանյան բազմաթիվ պետական, քաղաքական-հասարակական և մշակութային գործիչների կարծիքները հայերի նկատմամբ օսմանյան սուլթանների և երիտթուրքերի պարագլուխների կիրառած քաղաքականութեան մասին: Գրքի առաջաբանում նշվում է, որ «ամբար ժողովրդի նոր սերնդի մեջ կան շատ մարդիկ, որոնք չգիտեն ճշմարտությունը... հայկական կոտորածների և նրանց իրենց հայրենիքից արտաքսելու մասին»⁹: Միաժամանակ ընդգծվում է, որ արաբական նոր սերունդը «չի հասկանում, թե ինչու հայերը յուրաքանչյուր տարի նշում են հիշատակը մի դեպքի, որ տեղի է ունեցել սրանից յոթանասուն տարի առաջ (ի նկատի ունի 1915 թ. Եղեռնը—Ն. Հ.)»¹⁰: Եվ ահա արաբական մերօրյա սերնդին հայ ժողովրդի ոլատմութեան, այդ թվում և նրա ողբերգական էջերի հետ ժանթաքցնելը դարձել է արաբական պատմագրութեան կողմից հայկական թեմային անդրադառնալու շարժառիթներից մեկը: Հստ որում դա արաբ պատմաբանների համար ունի նաև այն նշանակությունը, որ դրանով իսկ լուսաբանում են ոչ միայն արևմտահայերի, այլև ջարդերից փրկված և արաբական երկրների բնակչության քաղաքամասը դարձած թեև էթնիկական առումով տարբեր մի հատվածի պատմությունը: Ահա այս ձևով արաբ և հայ ժողովուրդների պատմությունը հանգամանքների բերումով ինչ-որ տեղ խաչաձևվում և միահյուսվում է և դա չէր կարող շարտացույցի արաբական պատմագրության մեջ:

* * *

Ժամանակակից արաբական պատմաբանների աշխատությունների ուշուդիր զննումը ցույց է տալիս, որ նրանք Արևմտյան Հայաստանի XIX դարի վերջին քառորդի—XX դարի սկզբի պատմությունը որոշակիորեն բաժանում են երեք շրջանի. առաջին՝ սուլթան Աբդուլ Համիդ II-ի կառավարման մոռյա տարիները, այն ընդգրկում է 1876—1909 թթ., երկրորդ՝ երիտթուրքերի տիրապետության շրջանը և երրորդ՝ առաջին համաշխարհային պատերազմի ժամանակահատվածը: Մոտ քառասունամյա ժամանակաշրջանի բաժանումը երեք փուլերի ընդհանուր առմամբ ճիշտ է ինչպես բուն Օսմանյան կայսրության ներքին զարգացման, այնպես էլ Հայկական հարցի ելնէջների և արևմտահայերի ճակատագրի տեսանկյունից:

Սույն հոգվածում մենք կանգ կառնենք այն հարցի վրա, թե արաբական ժամանակակից պատմագրությունն ինչպես է գնահատում Օսմանյան կայսրության քաղաքականությունը հայկական հարցում առաջին փուլում կամ, այլ կերպ ասած, Աբդուլ Համիդի հայկական քաղաքականության գնահատականի վրա: Այդ խնդրին նվիրված ժամանակակից արաբական պատմագրական գրականությունը կարելի է բաժանել երկու խմբի: Առաջին խումբը կազմում են այն հեղինակները, որոնք Աբդուլ Համիդի հայկական քաղաքականությանն անդրադարձել են Մերձավոր Արևելքի կամ արաբների պատմությանը նվիրված ընդհանուր բնույթի աշխատություններում: Դրանցում, բնականաբար, հայկական թեման իր ժավալով մեծ տեղ չի գրավում, թեև պետք է նշել, որ դրանք արժեքավոր են նախ և առաջ լրենց հարցադրումներով և տված գնահատականներով: Այդպիսի ուսումնասիրություններից են էմիլ Թումաջի, Զեյն Զեյնի, Ամին Սալիդի, Շաքիր Նասրակի, Ալրերտ Հաուրանի, Յուսուֆ Յադրեկի և այլոց ուսումնասիրությունները: Երկրորդ խմբի մեջ մտնում են արաբական այն հեղինակները, որոնք հատուկ ուսումնասիրություններ են նվիրել հայ ժողովրդի պատմությանը, ոմանք ընդգրկելով այն ամբողջությամբ, ոմանք էլ՝ այս կամ այն ժամանակահատվածը կամ պրոբլեմը: Դրանցից առավել ուշագրավներն են

⁹ مجاز الرحمن، أعداد باروير يرتسيان، بيروت، ١٩٨٦، ص ١٣.
(Հայկական ջարդերը, պատրաստեց Պարույր Նրիցյանը. Բեյրութ, 1986, էջ 13):

¹⁰ Նույն տեղում:

Ուսման-աթ-թուրքի ղեկիչը հայ ազգի պատմությունից»¹¹, Մովսես Գլ-Մուդա-վարի «Հայերը պատմության ընթացքում»¹², Մուսա Պրենսի «Հայաստանու-թյուն»¹³, Ֆուադ Հասան Հաֆիզի «Հայ ժողովրդի պատմությունը սկզբից մինչև մեր օրերը»¹⁴ և այլն։ Որպես կանոն այդ աշխատությունները գրված են աղ-բուրազդիտական հարուստ հիմքի վրա, նրանցում լայնորեն օգտագործված են տարալեզու գիտական գրականություն, մամուլ, հուշագրություններ և այլ աղ-բուրներ, որը հնարավորություն է տվել հեղինակներին պրոբլեմը լուրա-քանչուր կոնկրետ դեպքում մանրազնին և խորը քննության ենթարկել։ Արաբ հեղինակներն իրենց դատողություններում անկախ են, տուրք չեն տալիս զգալի մասին հուշագրությանը և գերադասում են սառը և աշուղուրջ վերլուծա-կան մոտեցումը, որը, հասկանալի է, բարձրացնում է նրանց գիտական ար-ժեքը։

Աբդուլ Համիդ II-ին, որը օսմանյան սուլթանական գահի վրա մնաց մոտ 33 տարի՝ 1876—1909 թթ., արաբական պատմագրության մեջ սովորաբար կոչում են «աս-սուլթան ալ-ահմար»՝ «կարմիր սուլթան»։ Նրան այդպես են անվանում եգիպտացի պատմաբան Ֆուադ Հաֆիզը, սիրիացի պատմաբան Մրվան Մուդավարը, լիբանանցի պատմաբան-իրավաբան Մուսա Պրենսը («Le Sultan rouge»)՝ և ուրիշներ։ Ֆուադ Հաֆիզը միանգամայն բնութագրական է համարում այն փաստը, որ Աբդուլ Համիդը իր գործունեությունը որպես սուլթան սկսեց «իր բոլոր եղբայրների և նրանց ընտանիքի անդամների սպանությունից»¹⁶, Արյան համառնելով հենց սպիեց, այնուհետև նա չբավարարվեց առանձին անհատներով և իր արյունոտ քաղաքականությունը ստարածեց ամբողջ ժողովուրդների վրա։ «Այդ սուլթանը, — նշում է Մրվան ալ-Մուդավարը, — որը նույնպես և արդարացիորեն կոչվում է «կարմիր սուլթան», 33 տարիների ընթացքում երկաթյա ձեռքով կառավարեց Օսմանյան կայսրությունը»¹⁷։ Բաժանելով նրա տեսակետը, Ֆուադ Հաֆիզն ընդգծում է, որ Աբդուլ Համիդի ասունը «կարմիր սուլթան էր», որովհետև նա արյունոտ ջարդերի կազմակերպիչ էր»¹⁸։ Առաջին հայացքից կարող է թվալ, թե նման որակումը վերաբերում է սուլթանի լուկ անձնական հատկանիշներին, սակայն դժվար չէ նկատել, և դա ցույց կտրվի ստորև, որ դրանով բնութագրվում է Աբդուլ Համիդի ամբողջ ներքին քաղաքականությունն ընդհանրապես և ազգային քաղաքականությունը մասնավորապես։

Այս հարցի հետ ուղղակի առնչություն ունի Արդու Համիդի հաստատած ռեժիմի գնահատականը, որ տրվում է արաբ պատմաբանների կողմից: Այն համարվում է «զուլումի»՝ բռնակալության ռեժիմ: Արդու Համիդի վաղրագ վարչակներ հենց այդպես է բնութագրում լիբանանցի պատմաբան Ջեյն Ջեյնը («Hamildian tyrannical regime»), ընդգծելով, որ տարեցտարի այն ավելի ու ավելի դաժան էր դառնում¹⁹: Նույն կարծիքին է նաև պաղեստինցի մարգիսիստ-պատմաբան էմիլ Թուման, որն անհրժեշտ էր համարում տարբեր ազգերի և ուժերի միավորումն: Ընդդեմ զուլումի ռեժիմի»²⁰: Այսպիսով, Արդու

¹¹ عثمان الترك، صفحات من تاريخ الامة الارمنية، سب، ١٩٦٠

١٢ مروان المدور، الأرمن عبر التاريخ، بيروت، ١٩٨٢.

⁷³ Moussa Prince. *L'Armenocide*. Introduction. Beyrouth, 1967.

١٤ فؤاد حسن حافظ ، تاريخ الشعب الارمنى منذ البداية حتى اليوم ، القاهرة ، ١٩٨٦

¹⁵ Moussa Prince. *Cp. cit.*, p. 28.

16. Գրական Հասցիք. Երվ. արխ., էջ 201:

17 *Մ Բ վ ա ն ա լ-Մ Ի Գ ա վ ա ր. նշվ. աշխ., էջ 309:*

18 3 n i w η 2 w p h η. 521/. w2/u., 52 201.

¹⁹ Zeine N. Zeine. *Emergence of Arab Nationalism*. N. Y., 1973, p. 47.

²⁰ Э. Тумановский, соч., с. 81.

Համիդը արաբ պատմարանների պատկերացմամբ ոչ թե մի սովորական ինքնակալ էր, այլ արյունախում պարմիր սուլթան», իսկ նրա ստեղծած կառավարման ձևը ամենաբիրտ ու դաժան «գոլումի»՝ բռնակալության մարմնավորում։ Միայն այս երկու տարրերի օրգանական միասնությունն է հնարավորություն տալիս ճիշտ պատկերացում կազմել Օսմանյան կայսրության ոչ թուրք ժողովուրդներին հսկայական շարիք պատճառած սուլթանի մասին։

Բնականաբար հարց է ծագում, թե ի՞նչ հիման վրա է Աբդուլ Համիդը արաբ պատմաբանների կողմից հորջորջվում որպես պարմիր սուլթան» և որքանով է այն առնչվում հայկական իրականության հետ։ Միամտություն կլինե՞նք։ Կարծել, թե արաբ պատմաբանները Աբդուլ Համիդին բնութագրում են սրյունարբու պարմիր սուլթան», իսկ նրա ռեժիմը՝ բռնակալական, ելնելով միայն հայկական իրողությունից և հենվելով միայն Արևմտյան Հայաստանում տեղի ունեցած փաստերի և դեպքերի վրա։ Նրանք այս հարցում ցուցաբերում են լայնահոգություն և միանգամայն ճիշտ մոտեցում։ Ժամանակակից արաբ պատմաբանները իրենց եզրահանգումներում հիմնվում են համընդհանուր օսմանյան պրակտիկայի վրա և ելնում են սուլթան Աբդուլ Համիդի ազգային քաղաքականությունից՝ առանց բացառության բոլոր ոչ թուրք ժողովուրդների նկատմամբ։ Օսմանյան կայսրությունը, լիբանանցի պատմաբան Յուսուֆ Յադրեկի բառերով ասած, «սուլթան Աբդուլ Համիդի բանտն էր»²¹։ Եվ արաբ պատմաբանները միանգամայն ճիշտ կերպով սուլթան Աբդուլ Համիդի քաղաքականությունը հայերի նկատմամբ դիտարկում են նրա ընդհանուր աղդալին քաղաքականության ծիրի մեջ։ Նման մոտեցումը, մեր կարծիքով, մի կողմից հնարավորություն է տալիս ավելի ամբողջական պատկերացում կազմելու օսմանյան կառավարողների ազգային քաղաքականության մասին, իսկ մյուս կողմից, ավելի լավ ըմբռնելու հայկական ողբերգության պատճառները։ Դա առավել ճիշտ է նաև այն առումով, որ Հայկական հարցի շատ հաճախ նկատվող քննարկումն առանձնակի, չկապակցված օսմանյան ընդհանուր ազգային քաղաքականության և մյուս ոչ թուրք ժողովուրդների ճակատագրի հետ, տեղիք է տալիս զանազան թյուր կարծիքների և դուռ բացում տարբեր, ոչ ճիշտ մեկնաբանությունների առջև։

Արաբ պատմաբանները նկատել են, որ XIX դարի կեսերից սկսած Օսմանյան կայսրության տիրակալներն ավելի ու ավելի հաճախ են դիմում ջարդերի քաղաքականությանը։ Դա մի տեսակ դառնում է ներքաղաքական կյանքի նորմերից մեկը, որն իր գազաթնակետին է հասնում Աբդուլ Համիդի սուլթանության սարսափելի տարիներին։ Ֆուադ Հաֆիզը հայոց պատմությանը նվիրված իր աշխատության մեջ կազմել է այդ ջարդերի համառոտ ցանկը։ Ահա այն։ Տուցակում առաջինը նա նշում է 1860 թ. ջարդերը Լիբանանում, որ տեղի ունեցան օսմանյան կառավարիչների կողմից դրուզներին քրիստոնյա մարոնիների վրա հրահրելու հետևանքով, որոնք կոտորեցին նրանց և արտաքսեցին բնակած վայրերից։ Դրան հաջորդում է հայերի կոտորածը Զեյթունում 1861—1862 թթ., որոնց դեմ ուղարկվեց թուրքական կանոնավոր բանակ և, ինչպես նշում է Ֆուադ Հաֆիզը, ոտքի հանվեցին շրջակա թուրքական և քրդական զորքերը։ Այնուհետև նա նշում է հուլիների ջարդը Կրեստի կղզում 1866—1868 թթ., բուսնիացիների և հերցեգովինցիների ջարդը 1875 թ. և բուլղարների սարսափելի կոտորածը 1876 թ.²²։ Կարելի է ասել, որ ջարդերի քաղաքականությունը զնում էր վերընթաց գծով, որի ամենաբարձր կետը եղա՞վ հայերի կոտորածը 1894—1896 թթ.։ Դրան կանդրադառնանք առանձին։

يوسف ابراهيم يربك، حكاية اول نوار في العالم وفي لبنان،²¹

بيروت، ١٩٧٤، ص ٤٨

(Յուսուֆ Իբրահիմ Յադրեկ. Աշխարհում և Լիբանանում մայիսի մեկի պատմությունը. Բեյրութ, 1974, էջ 48)։

²² Ֆուադ Հաֆիզ. Նշվ. աշխ., էջ 96։

Իսկ այժմ նշենք, որ Աբդուլ Համիդը, ինչպես և նրան նախորդած սուլթանները, արար պատմաբանների խորին համոզմամբ չէին հարգում անգամ իրենց կողմից ընդունված որոշումները, որոնք վերաբերում էին կայսրության ոչ թուրք ժողովուրդներին։ Այդ հարցին հատուկ ուշադրություն են դարձրել Զեյն Զեյնը, Ուսման աթ-Թուրքը և մյուսները։ Զեյն Զեյնը ընդգծում է, որ Օսմանյան կայսրության մեջ հավասարություն չկար քրիստոնյաների և մուսուլմանների միջև, «անհավասարությունը վերացվել էր ձևականորեն, այսինքն թղթի վրա՝ 1856 թ. Խաթթը Հումայունի դեկրետով»։ Չնայած դրան, իրականում ամբողջ XIX դարում շարունակում էր գործել միլլեթների հին սիստեմը²³։ Նա միլլեթների սիստեմը դիտում է որպես անհավասարության պահպանման ձև և քրիստոնյաներին մուսուլմաններին ենթարկելու եղանակ։ Այդ միլլեթների մեջ Զեյնը իր նշանակությամբ որպես առաջինը նշում է միլլեթ-ռումի, այսինքն հուլյն ուղղափառ համայնքը։ Իր նշանակությամբ հաջորդը հայկական միլլեթն էր և ապա հրեականը²⁴։ Այլ կերպ ասած, չնայած ռեֆորմներին, հայերի, հուլյների և այլ ժողովուրդների իրավիճակի մեջ ոչ մի փոփոխություն տեղի չէր ունեցել և Աբդուլ Համիդի ժամանակ նրանք սովորական ռայաներ էին։ Նույն կարծիքին է նաև Ուսման աթ-Թուրքը, որը գտնում է, որ ռեֆորմի վերաբերյալ ընդունված բոլոր դեկրետները «մնացին թղթի վրա»²⁵։

Աբդուլ Համիդի ազգային քաղաքականությունը, այդ թվում և հայկական քաղաքականությունը հասկանալու տեսանկյունից որոշակի հետաքրքրություն է ներկայացնում Ստամբուլում ֆրանսիական դեսպան Պոլ Կամբոնի հաղորդագրությունը Ֆրանսիայի արտաքին գործերի մինիստրին, որի լրիվ տեքստն իր գրքում բերում է Զեյնը։ Ըստ որում արաբ պատմաբանը լրիվ համամիտ է ֆրանսիական դիվանագետի հետ։ Զեյնը գրում է, որ իրադրությունը առանձնահատուկ էր ոչ միայն Հայաստանի համար, այլև ամբողջ կայսրության համար մի ծայրից մինչև մյուսը։ Հուլյները, ալբանացիները, արաբները զանգատվում են արդարության բացակայությունից, կառավարական պաշտոնյաների ծախվածությունից և կյանքի ապահովության բացակայությունից²⁶։

Այսպիսով, ըստ արաբ պատմաբանների, օսմանյան կառավարողների ազգային քաղաքականությունն ուղղված էր ոչ թե մեկ ազգի, ոչ միայն հայերի, այլև կայսրության բոլոր ոչ թուրք ժողովուրդների շահերի դեմ։ Աբդուլ Համիդի տիրապետության ժամանակ այն ընդունեց ցեղասպանության բնույթ և բարձրացվեց պետական պաշտոնական քաղաքականության աստիճանի։ Մրվան ալ-Մուդավարն իր աշխատության ենթաբաժիններից մեկը հենց այդպես էլ վերնագրել է՝ «Հայկական հարցը և գենոցիդի կամպանիան սուլթան Աբդուլ Համիդ II-ի շրջանում», որտեղ որոշակիորեն ասված է, որ «ներառնականության կառավարումը ձևավորում էր կայսրության բոլոր ժողովուրդներին, մասնավորապես դրանցից արաբական ժողովուրդներին, բալկանյան ժողովուրդներին և հայ ժողովուրդին»²⁷։ Այլ կերպ ասած, այդ բոլոր ժողովուրդներն էլ կանգնած էին ցեղասպանության վտանգի առջև։

Բնականորեն հարց է ծագում, թե ժամանակակից արաբական պատմագրությունը ինչպե՞ս է բացատրում Աբդուլ Համիդի դաժան ազգային, այդ թվում և հայահալած քաղաքականությունը, որտե՞ղ է փնտրում դրա արմատները։ Ի պատիվ արաբ հետազոտողների, գոհունակությամբ պետք է ընդգծել, որ նրանք չեն փորձել խուսափել այդ հարցին պատասխանելուց, չեն շրջանցել այն։ Նրանցից մի քանիսը առաջ են քաշում բավականին համարձակ տեսակետներ, որոնք դժվար թե անաչառ ընթերցողի մոտ առարկության տեղիք տան։ Այդ տեսակետից խիստ ուշագրավ է եգիպտացի ժամանակակից հայտնի պատմա-

²³ Zeine N. Zeine. Op. cit., p. 28.

²⁴ Նույն տեղում։

²⁵ Ուսման աթ-Թուրք. նշվ. աշխ., էջ 186։

²⁶ Zeine N. Zeine. Op. cit., p. 65.

²⁷ Մրվան ալ-Մուդավար. նշվ. աշխ., էջ 395։

բան, պրոֆեսոր Մուհամեդ Շակիկ Ղարբալի տեսակետը, որ «Հայ ժողովրդի պատմությունը սկզբից մինչև մեր օրերը» գրքում մեջբերում է Ֆուադ Հաֆիզը, լրիվ համերաշխվելով նրա հետ: Պրոֆ. Շակիկ Ղարբալին ընդգծում է, որ «օսմանյան պետության ձախողման, լճացման, կարծրացման և քայքայման պատճառները կայանում էին նրանում, որ նա իր արմատներով չէր հենվում կրոնական, քաղաքական և սոցիալական նոր մտքի վրա, այլ հենվում էր պատերազմների և էքսպանսիայի վրա»²⁸: Այդ նեխող օրգանիզմն իր ամբողջ գոյության ընթացքում երբեք նոր գաղափարներ չի առաջադրել, այլ իր գոյությունը խարսխել է զենքի և նվաճումների վրա: Եվ երբ կայսրության ենթակա ոչ թուրք ժողովուրդները սկսեցին հանդես գալ հանուն իրենց ազգային իրավունքների, հատկապես XIX դարում, ապա օսմանյան սուլթանները չունեին համապատասխան գաղափարներ՝ այդ պրոցեսները հասկանալու և նրանց ընդառաջ գնալու համար: Ուստի և նրանք այդ ելույթները դիմավորեցին թշնամաբար, ապավինելով յաթաղանի զորությունը: Եվ որպես դատավճիռ են հնչում Շակիկ Ղարբալի խոսքերն այն մասին, որ «օսմանցիները վերցնող և ոչ թե տվող ազգ էին»²⁹: Հենց դա էլ հանգեցրեց կայսրության թուլացմանը, քայքայմանը և, ի վերջո, կործանմանը, այստեղ պետք է փնտրել ոչ թուրք ժողովուրդների իրավունքների նկատմամբ օսմանյան կառավարողների՝ անհաշտ դիրքորոշման պատճառները:

Ուշագրավ է և որոշ իմաստով Շակիկ Ղարբալի տեսակետը լրացնելու է գալիս սիրիացի պատմաբան Ուսման աթ-Թուրքի կարծիքը: «Օսմանցիները, — գրում է նա, — իրենց հպատակների հետ խաղաղ կերպով ապրելու քաղաքականություն չէին վարում: Իրենց քաղաքականությունը չէին հիմնում իրավունքի և արդարության վրա... Ռասայական և ցեղային քաղաքականությունը՝ «հա թե որն էր այդ ժամանակ հաղթանակել կառավարողների ուղեղում: Այդ քաղաքականության պատճառով նրանց ձեռքից գնացին Հունաստանը, Սերբիան և Բուլղարիան: Հետո նրանցից բաժանվեց Լիբանանը»³⁰ և նրանց դեմ ըմբոստացան արաբները... Եվ հայերը միակը չէին, որ գտնվում էին պաշարի մեջ, այլ բազմաթիվ ժողովուրդներ էին ազդարարել իրենց ազատության մասին»³¹:

Այսպես, ուրեմն, նոր, թարմ քաղաքական և սոցիալական գաղափարներ առաջադրելու անկարողությունը և ապավինումը զենքին, բռնությունը և ռասայական ու ցեղային մարդատյաց գաղափարներին՝ «հա թե, ըստ արաբական պատմագրության, ինչ հիմքի վրա, ինչպիսի պայմաններում և մթնոլորտում է ձևակերպվել օսմանյան կառավարողների, այդ թվում և սուլթան Աբդուլ Համիդի ազգային քաղաքականությունը: Մեզ թվում է, որ Ղարբալի և աթ-Թուրքի տված բացատրությունները գիտական, միանգամայն ճշմարտացի բնույթ են կրում և հանդիսանում են բանալի՝ Աբդուլ Համիդի, ինչպես նաև նրան հաջորդած երիտթուրքերի ոճրագործ քաղաքականությունը՝ հայկական հարցում ճիշտ ըմբռնելու և բացատրելու համար:

* * *

Արաբական պատմագրության մեջ համընդհանուր ճանաչում է ստացել այն տեսակետը, որ Աբդուլ Համիդի ջարդերի քաղաքականության գագաթնակետը եղան հայերի 1894—1896 թթ. կոտորածները, որոնց զոհ գնաց մոտ 300 հազար մարդ: Ըստ ժամանակակից արաբ հետազոտողների, այդ կոտորածները յուրաքանչյուր չէին և չէին սահմանափակված որևէ շրջանով կամ անգամ վիլայեթով, այլ ընդգրկեցին կայսրության բոլոր հայաբնակ վայրերը, այդ թվում և մայրաքաղաք Ստամբուլը: Սկսվելով 1894 թ. Սասունում, կոտորածներն տյունհետև, ինչպես նշում է Ֆուադ Հաֆիզը, տարածվեցին հայկական բոլոր վեց վիլա-

28 Ֆուադ Հաֆիզ. նշվ. աշխ., էջ 180:

29 Նույն տեղում:

30 Ի նկատի ունի Լիբանանի ինքնավար ստատուս ստանալը:

31 Ուսման աթ-Թուրք. նշվ. աշխ., էջ 191:

իւթները՝ Էրզրումի, խարբերդի, Սվասի, Բիթլիսի, Վանի և Դիարբեքի շրջանները³²։ Կոտորածների վայրերն ավելի մանրամասնորեն է թվարկում Ուսման աթ-Թուրքը։ Նա ընդգծում է, որ հայ բնակչության արյունալի և սարսափելի շար-յեր տեղի ունեցան Տրապիզոնում, Էրզնջանում, Բաբերդում, Բիթլիսում, Էրզրումում, Արաբկիրում, Դիարբեքիում, Մալաթիայում, խարբերդում, Սվասում, Մարաշում, Կալսերիայում և կալսրուքյան այլ քաղաքներում ու գյուղե-րում, որտեղ հայ ազգաբնակչություն կար³³։

Արաբ պատմաբաններն ընդգծում են, որ կոտորածները սուլթանի կողմից մանրամասնորեն էին նախապատրաստված և նույնիսկ նշում, որ հայերի նկատմամբ նրա քաղաքականությունը 1890-ական թթ. սկսած բացահայտ պրովոկացիոն բնույթ էր կրում։ Նրանք այստեղ առաջին հերթին ի նկատի ունեն Արդու Համիդի 1891 թ. որոշումը «Ֆուրսան ալ-Համիդի»՝ «Համիդյան հեծելազոր» ստեղծելու մասին, որը կազմավորվեց բացառապես քրդերից³⁴։ «Դա,—նշում է Ուսման աթ-Թուրքը,—իրականում ստեղծվեց հայերին սպառ-նալու համար»³⁵։ Նույն տեսակետն է արտահայտված լիբանանյան հանրա-գիտարանում, որի 10-րդ հատորում ղեկավարված է շատ հարուստ նյութ Հա-յաստանի վերաբերյալ։ Այստեղ նշվում է, որ «կարմիր սուլթանը», հրաժար-վելով հայկական շրջաններում ռեֆորմներ իրականացնելուց, ձեռնամուխ եղավ հայերի նկատմամբ հալածանքների և բռնությունների կիրառմանը, մինչև որ բանը հասավ 1894—1896 թթ. ջարդերին։ Նա, այսինքն՝ սուլթանը, զինեց քրդերին և նրանցից «կազմեց զորամիավորումներ, որ հայունի են «Համիդի» անունով, որոնք կառավարության թողնված ժողովուրդներ գործե-ցին Հայաստանում»³⁶։ Նման հաստատումներ կարելի է գտնել նաև Մուսա Պրենսի, Ֆուադ Հաֆիզի և արաբական այլ հետազոտողների մոտ։

Մեր նպատակը չէ այստեղ մանրամասն ներկայացնել 1894—1896 թթ. կոտորածների նկարագրությունը, որ տրվում է արաբ պատմագրության մեջ։ Այդ հարցը հանգամանորեն լուսաբանված է պատմագիտական գրականության մեջ և հարկ չկա այն կրկնելու, մանավանդ որ արաբ պատմաբանները փաստա-կան նյութի առումով որևէ նոր բան չեն ավելացնում։ Ավելի կարևոր են նրանց կողմից տրված գնահատականները, որը հակիրճ կերպով ներկայացնում ենք ստորև։

Սիրիացի հետազոտող խեյրի Համան այդ ջարդերն անվանում է դադա-նային³⁷։ Լիբանանցի պատմաբան Ջամիլ խաբրը իր «Հայերը և Լիբանանը» աշ-խատության մեջ քննարկելով հայերի արտագաղթի և արաբական երկրներում նրանց հաստատվելու հարցը և ընդունելով, որ դա արդյունք էր այն հալա-ծանքների և բռնությունների, ողոնց հայ ժողովուրդը ենթարկվում էր Թուր-քիայում, ընդգծում է, որ այդ բոլորն «սկսվեց սուլթան Աբդուլ Համիդի ժամա-նակ, երբ 1894—1896 թթ. իրագործվեցին բարբարոսական ջարդեր և հազա-րավոր հետապնդվողներ նետվեցին հարևան երկրներ և Լիբանանը դրանցից

³² Ֆուադ Հաֆիզ. նշվ. աշխ., էջ 208։

³³ Ուսման աթ-Թուրք. նշվ. աշխ., էջ 220։

³⁴ Նույն տեղում, էջ 196։

³⁵ Նույն տեղում։

³⁶ دائرة المعارف ' قاموس عام لكل فن ومطلب بادارة فؤاد البستاني

المجلد العاشر، بيروت، ١٩٧٣، ص ٣٠٩

(Լիբանանյան հանրագիտարան, խմբ. Ֆուադ Բուստանի. հ. 10, Բեյրութ, 1973, էջ 309)։

³⁷ خيرى حما، اذواء أدلية على المسألة الأرمنية . — « المناضل »

دمشق، ١٩٨٣، العددان ١٦٣ - ١٦٤، ص ٢١

(խեյրի Համա. Հայկական հարցի լուսաբանումը.—«Ալ-Մունադիլ», Դամասկոս, 1983, № 163—164, էջ 21)։

մեկն էր»³⁸։ Մուսա Պրենսը, շրջանառության մեջ դնելով նոր տերմին՝ արմենոցիդ, այսինքն հայասպանություն, 1894—1896 թթ. կոտորածներն անվանում է համիդյան արմենոցիդ («l'Armenocide hamidien») ³⁹։ Դրանով փաստորեն սկիզբ դրվեց հայկական գենոցիդին և Մուսա Պրենսը միանգամայն իրավացիորեն Աբդուլ Համիդին կոչում է «մեծ ոճրագործ»⁴⁰, մի անվանում, որը հավասարի իրավունքով իր տեղը գրավեց «կարմիր սուլթան» անվան կողքին։ Եվ, վերջապես, ուշագրավ է նաև Ֆուադ Հաֆիզի տեսակետը, որը հանդիսանում է Մուսա Պրենսի արտահայտած կարծիքի յուրօրինակ շարունակությունը։ «Սուլթան Աբդուլ Համիդ II-ը,—նշում է եգիպտացի պատմաբանը,—սկսեց գործադրել իր հայկական քաղաքականությունը, որ կանխագծվել էր նախկինում՝ բնաջնջել հայերին իր պետության մեջ»⁴¹։

Նույն ոգով են արտահայտվում նաև Ուսման աթ-Թուրքը, Մովսան ալ-Մուդավարը և այլք։

Այսպիսով, ըստ արաբ պատմաբանների, 1894—1896 թթ. Աբդուլ Համիդի կազմակերպած ջարդերն իրենց բնույթով զազանային և բարբարոսական էին և ըստ էության հանդիսանում են ցեղասպանություն կամ, օգտագործելով Մուսա Պրենսի արտահայտությունը, հայասպանություն։ Այս տեսակետն է տիրապետող հանդիսանում արաբական պատմագրության մեջ։

Արաբ պատմաբաններն անդրադարձել են նաև այն շարժառիթներին և պատրվակներին, որ սուլթան Աբդուլ Համիդը օգտագործել է իր այսպես կոչված հայկական քաղաքականությունը, այսինքն կոտորածները կազմակերպելու և արդարացնելու համար։ Դրանց մեջ, մեր կարծիքով, ուշադրավ են երկու հանդամանք։

Առաջին, սուլթանի և նրա շրջապատի կողմից հակահայկական արշավ սանձազերծելու համար որպես առիթ օգտագործվում էր 1877—1878 թթ. ռուս-թուրքական պատերազմի ժամանակ Կովկասյան ճակատում ռազմական գործողություններին ռուսահայերի՝ որպես ռուսաց պետության զինվորների մասնակցելու փաստը։ Իրոք, Կովկասյան ռազմաճակատում ռազմական գործողությունները ղեկավարում էին ռուսական բանակում ծառայող հայ զենեբալներ Միքայել Լորիս-Մելիքովը, Արշակ Տեր-Ղուկասովը, Հովհաննես Լազարևը և ուրիշներ, որոնց մասին արաբ պատմաբանները հարգանքով են արտահայտվում։ Նրանց հրամանատարությամբ ռուսական զորքերը գրավեցին համարյա ամբողջ Արևմտյան Հայաստանը։ Այդ առնչությամբ արաբ պատմաբանները, ինչպես, օրինակ, Ֆուադ Հաֆիզը, նշում են, որ «ռուսական զորքերին միացան ռուսահայերի մի քանի ջոկատներ»⁴², որոնք հերոսաբար մասնակցում են Արևմտյան Հայաստանի քաղաքների և գյուղերի ազատագրմանը օսմանյան լծից։ Արաբ պատմաբանները դա համարում են միանգամայն բնական երևույթ և դրանում տեսնում են արևելահայերի զգացմունքների և դիրքորոշման դրսևորում հանդեպ իրենց արևմտահայ եղբայրների ճակատագիրը։

Հայտնի է, որ հետագայում, եվրոպական տերությունների ճնշման տակ, ռուսական զորքերը դուրս բերվեցին Արևմտյան Հայաստանից։ Սակայն «կաշմիր սուլթանը» չէր մոռացել արևելահայերի մասնակցությունը պատերազմական գործողություններին և այդ հողի վրա սկսեց հալածանքներ արևմտահայերի դեմ։ «Հայերի կոտորածները,—նշում է Ֆուադ Հաֆիզը,—սկսվեցին սուլթան Աբդուլ Համիդ II-ի շրջանում 1877 թ. օսմանյան-ռուսական պատերազմից հետո։

³⁸ «جميل خير ، الأرمن ولبنان . — « المدينة » ، بيروت ، ١٩٧٤

عدد ٢٤ ص ١٧

(Ս մ ի Լ Խ ա ր ր . Հ ա յ ր և Լ ի ր ա ն ա ն ր . — «Ալ-Մադինա», Բեյրութ, 1974, № 24, էջ 17)։

³⁹ Moussa Prince. Op. cit., p. 29.

⁴⁰ Նույն տեղում։

⁴¹ Ֆուադ Հաֆիզ . նշվ. աշխ., էջ 212։

⁴² Նույն տեղում, էջ 197։

Եվ դա որպես պատիժ օսմանյան հայերին այն բանի համար, որ նրանց ռուսահայ եղբայրները մասնակցել էին ռուսական արշավանքին Անատոլիա և որը զլխավորում էին երեք ականավոր ռուսահայ զորավարներ՝ գեներալներ Միքայել Լորիս-Մելիքովը, Արշակ Տեր-Ղուկասովը և Հովհաննես Լազարևը⁴³:

Արևմտահայերին ներկայացված մեղադրանքները արար պատմաբանները համարում են անհիմն ու անհեթեթ: Անդրադառնալով այդ հարցին, նույն Ֆուադ Հաֆիզը դիպուկ կերպով նկատում է, որ օսմանյան հայերը պատասխանատու չէին օսմանյան պետության ու ցարական Ռուսաստանի միջև Հայաստանի բաժանման համար, որ տեղի էր ունեցել այդ պատերազմից շատ առաջ, և ոչ էլ այն բանի համար, որ ռուսահայերը դարձել էին ցարական Ռուսաստանի հպատակներ⁴⁴: Սակայն սուլթանը և նրա շրջապատը միտումնավոր կերպով անգիտանում էին այդ փաստը, և արևմտահայերի վրա նետելով ոչ վստահի քաղաքացիների կասկածը, սկսում են ուժեղացնել բռնություններն ու հալածանքները, որոնք, ի վերջո, վերածվեցին կոտորածների:

Երկրորդ, ժամանակակից արար հեղինակները վկայում են, որ օսմանյան կառավարողները հայկական ջարդերը կազմակերպելու համար որպես պատրվակ օգտագործել են նաև արևմտահայերի օրինական պահանջները Արևմտյան Հայաստանում բարենորոգումներ կիրառելու վերաբերյալ: Այդ կապակցությամբ նրանք իրենց ուսումնասիրություններում հատուկ քննարկման առարկա են դարձնում 1878 թ. փետրվարի 19-ին Սան-Ստեֆանոյում կնքված պայմանագրի 16-րդ և 1878 թ. հուլիսի 13-ին կնքված Բեռլինի պայմանագրի 61-րդ հոդվածները, որոնք ուղղակի առնչություն ունեին Հայկական հարցի և հայերի պահանջների հետ: Արար հետազոտողները, ինչպես, օրինակ, Մովսես Կալանթարը, հատկապես շեշտում են այն հանգամանքը, որ Բարձր Դուռը, ըստ Սան-Ստեֆանոյի պայմանագրի 16-րդ հոդվածի, պարտավորվում էր բարելավել հայերի վիճակը հայկական վիլայեթներում⁴⁵: Իսկ Ուսման աթ-Թուրքը բարձր է գնահատում այն հանգամանքը, որ Սան-Ստեֆանոյի պայմանագիրը ստորագրելիս ռուսական ներկայացուցիչները հաջողացրին պայմանագրի տեքստի մեջ մտցնել հայերի պահանջները⁴⁶: Եվ որպես շատ կարևոր քայլ, արար հեղինակներն առանձնացնում են պայմանագրի այն մասը, ըստ որի ռուսական զորքերը մնալու էին Արևմտյան Հայաստանում, մինչև որ բարենորոգումներն իրականացվեն:

Հայտնի է, որ այդ պայմանագրով նախատեսվող բարենորոգումները չիրագործվեցին: Բացատրելով դրա պատճառները, արար պատմաբանները դրա համար մեղադրում են ոչ միայն սուլթան Աբդուլ Համիդին, այլև եվրոպական մեծ տերություններին, առաջին հերթին Անգլիային և Գերմանիային: «Անգլո-ռուսական մրցակցությունը և բիսմարկյան մաքիավելիզմը,—նշում է Մուսա Պրենսը,—կանխեցին... Սան Ստեֆանոյի պայմանագրի 16-րդ հոդվածի իրագործումը»⁴⁷: Արար պատմաբանները միակարծիք են այն հարցում, որ եվրոպական մեծ տերությունների շահերին չէր համապատասխանում Ռուսաստանի ազդեցության ուժեղացումը և նրանք ձգտում էին պահպանել Օսմանյան կայսրությունը՝ որպես պատվար ռևոլյուցիոն ռուսական էքսպանսիայի»⁴⁸: Հենց նրանց նախաձեռնությամբ էլ 1878 թ. հունիս-հուլիսին հրավիրվեց Բեռլինի կոնգրեսը, որը Սան Ստեֆանոյի պայմանագիրը փոխարինեց Բեռլինի պայմանագրով, որի 61-րդ հոդվածը վերաբերում էր արևմտահայերին: Թեև այդ հոդվածով նույնպես նախատեսվում էր ռեֆորմների կիրառումը Արևմտյան Հա-

⁴³ Նույն տեղում, էջ 205:

⁴⁴ Նույն տեղում:

⁴⁵ Մովսես Կալանթար. նշվ. աշխ., էջ 396:

⁴⁶ Ուսման աթ-Թուրք. նշվ. աշխ., էջ 188:

⁴⁷ Moussa Prince. Op. cit., p. 28.

⁴⁸ Ֆուադ Հաֆիզ. նշվ. աշխ., էջ 198:

յաստանում, սակայն ռուսական զորքերը պետք է անհապաղ դուրս բերվեին Արևմտյան Հայաստանից, որը և Ռուսաստանը հարկադրված կատարեց: Դա սկզբունքային տարբերություն էր՝ համեմատած Սան Ստեֆանոյի պայմանագրի հետ, որը շատ լավ նկատել են արաբ հեղինակները: Նրանց միանգամայն ճիշտ կարծիքով հայերը զրկվեցին ռուսական երաշխիքից և ռեֆորմների հռչակումը, ինչպես դիտում է Ուսման աթ-Թուրքը, մնաց «որպես տեսական ցանկություն»⁴⁹: Բայց ավելին: Բանն այն է, որ հայերի վիճակն ավելի վատացավ: Այդ մասին ուղղակի խոսում է Ֆուադ Հաֆիզն իր աշխատության մեջ, նշելով, որ Բեռլինի պայմանագրի ստորագրումից և Արևմտյան Հայաստանից ռուսական զորքերի դուրս բերումից հետո օսմանյան պետությունը ոչ միայն չիրագործեց 61-րդ հոդվածով նախատեսվող ռեֆորմները և հայերի վիճակի բարելավումը, այլև, ընդհակառակը, ուժեղացրեց բռնությունները հայերի նկատմամբ⁵⁰: Եվրոպական պետությունների գրաված դիրքը ազատություն տվեց Աբդուլ Համիդին, ուստի և Ուսման աթ-Թուրքը լուրջ իրավունք ունի ասելու, որ «այդ պետություններն (եվրոպական—Ն. Հ.) անկեղծ չէին հայերին թուրքական ստրկացումից ազատագրելու հարցում»⁵¹:

Իսկ ինչպիսի՞ն էին արևմտահայերի պահանջները, արդյոք նրանք չէին պարունակում այնպիսի ցանկություններ, որոնք կարող էին սպառնալ օսմանյան պետության ամբողջականությանն ու գոյությանը և, հետևաբար, ինչ-որ չափով պատրվակ ծառայեին սուլթանի համար՝ կազմակերպելու հայկական ջարդեր: Արաբական պատմագրության մեջ այս հարցը լուսաբանված է բավականին հանգամանորեն և արաբ բոլոր հեղինակները, առանց բացառության, ժխտական պատասխան են տալիս վերոհիշյալ հարցերին: Նրանք քաջածանոթ են հայերի պահանջներին և մեկնում են դրանցից, մասնավորապես Բեռլինի կոնգրեսին հայերի պատվիրակության կողմից ներկայացված Հուլազգրի բովանդակությունից և դրույթներից: Հայտնի է, որ Բեռլինի կոնգրեսին մասնակցելու համար հայերը կազմեցին մի պատվիրակություն իրիմյան Հայրիկի գլխավորությամբ, որը կոնգրեսի մասնակիցների առջև պետք է ներկայացներ հայերի պահանջները: Հայտնի է նաև, որ կոնգրեսը մերժեց թուլյատրիկ հայկական պատվիրակությանը մասնակցելու նրա աշխատանքներին, բանի որ այն, ինչպես նշված է լիբանանյան հանրագիտարանում, «նրանց (եվրոպական պետությունների—Ն. Հ.) տեսակետի համաձայն, պետություն չէր ներկայացնում»⁵²: Սակայն պատվիրակությունը կոնգրեսին ներկայացրեց մի Հուլազգիր, որտեղ շարադրված էին հայերի գլխավոր պահանջները:

Մանրակրկիտ կերպով ուսումնասիրելով հայերի պահանջները և հնչվելով այդ Հուլազգրի ու այլ փաստաթղթերի վրա, արաբ պատմաբանները դալիս են այն համոզմանը, որ արևմտյան հայերը չէին դնում Օսմանյան կայսրության կազմից դուրս գալու և անկախ պետություն ստեղծելու հարցը: Նրանց պահանջները հանգում էին Օսմանյան կայսրության շրջանակներում վարչական ինքնավարություն ստանալուն: Եվ արևմտահայերի համար որպես օրինակ էր ծառայում Լիբանանը: Ինչպես նշել ենք, 1861 թ. Լեռնալիբանանին տրվեց ինքնավարության ստատուս, Օսմանյան կայսրության շրջանակներում, ըստ որի այն ինքնավար էր դառնում ներքին վարչական հարցերում: Սուլթանը Լեռնալիբանանը կառավարելու համար նշանակում էր փոխանորդ՝ մուլթասաուիֆ, որը կարող էր լինել միայն քրիստոնյա: Եվրոպական մեծ տերությունները հանդիսանում էին Լեռնալիբանանի ինքնավարության երաշխավորներ:

Արևմտահայերն էլ ուզում էին նման մի բան և դա հաստատում են արաբ հեղինակները: «Ողբերկած լիբանանյան նախադեպով,—ընդգծում է Մուսա Պրենսը,—հայերը ցանկանում էին մի համեմատ վարչական ինքնավարություն,

49 Ուսման աթ-Թուրք. նշվ. աշխ., էջ 189:

50 Ֆուադ Հաֆիզ. նշվ. աշխ., էջ 205:

51 Ուսման աթ-Թուրք. նշվ. աշխ., էջ 195:

52 Լիբանանյան հանրագիտարան. հ. 10, էջ 309:

ավելի քիչ հավակնոտ, քան Նուսրալիբանանի միջազգային ստատուսը»⁵³։ Նույն-
նանման տեսակետ է արտահայտում Ֆուադ Հաֆիզը։ Եգիպտացի գիտնականը
նշում է, որ հայերը չէին պահանջում անջատվել օսմանյան պետությունից,
բայց պահանջում էին ստեղծել քրիստոնեական ինքնավար վարչություն՝ մի-
ջազգային երաշխիքով, ինչպես իբրանանի վարչաձևը⁵⁴։ Նույն բանը հաստատում
են նաև մյուս արաբ հետազոտողները։ Ահա սա էր արևմտահայերի գլխավոր
պահանջը, որն անհրաժեշտ է միշտ ի նկատի ունենալ՝ հայ ժողովրդի հանդեպ
Արդու Համիդ II-ի կատարած հանցագործության ամբողջ խորությունը ճիշտ
հասկանալու համար։ Արաբ պատմաբանների ուսումնասիրությունները գալիս
են հաստատելու, որ հայ ժողովուրդը ջարդերի որևէ առիթ չէր տվել, դրա հա-
մար հիմք չկար և մտացածին է ու հերյուրանք հայ ժողովրդին սեպարատիս-
տական նկրտումներ վերագրելը, որի նպատակն է արդարացնել «կարմիր սուլ-
թանի» ջարդարարական քաղաքականությունը։

Հավաստելով անջատողական ձգտումների բացակայությունը հայերի մոտ,
արաբ պատմաբանները, մյուս կողմից, միանգամայն օրինական են համա-
րում հայերի պահանջները, Օսմանյան կայսրության շրջանակներում, հայկական
վիլայեթներում իբրանանյան տիպի վարչական ինքնավարության հաստատու-
մը։ Այդ կապակցությամբ հետաքրքիր միտք է արտահայտում Ֆուադ Հաֆիզը.
«Բոլոր դեպքերում սուլթան Արդու Համիդ II-ի հայկական քաղաքականությու-
նը կամ, այլ կերպ ասած, ջարդերի քաղաքականությունը, որ իրագործվում էր,
դա նրա ներքին քաղաքականության մասն էր կազմում։

Ճշմարտությունն այն է, որ օսմանյան հայերի ջարդերը օսմանյան պե-
տության անարդարացի և անօրինական պատասխանն էր նրանց արդարացի և
օրինական պահանջներին, որը միջազգային ճանաչում ուներ»⁵⁵։

Այս տեսակետը, այսինքն՝ հայերի պահանջների արդարացի և օրինական
լինելը, իսկ Արդու Համիդի գործողությունների անօրինական լինելը, հաստա-
տուն տեղ է գրավել արաբական պատմագրության մեջ և չի վիճարկվում որևէ
մեկի կողմից։

Արաբ պատմաբանները, ուշի ուշով հետևելով սուլթան Արդու Համիդի
քաղաքականությանը հայկական հարցում, նրանում նկատում են որոշակի
էվոլյուցիա։ Սկսելով հալածանքներից ու բռնություններից և անցնելով ջարդերի
քաղաքականությանը, սուլթանը կանգնեց Հայկական հարցը «արմատականո-
րեն» լուծելու «տեսակետի» վրա։ Դա իր արտահայտությունը գտավ Արդու
Համիդ II-ի՝ իր նախադեպը չունեցող ձևակերպման մեջ. «Հայկական հարցին
վերջ տալու համար անհրաժեշտ է ամենից առաջ վերջ տալ հայերին»⁵⁶։ Մըր-
վան ալ-Մուդավարը հենց դա համարում է «գեներցիդի քաղաքականություն»⁵⁷։ Նույն տեսակետին է նաև
Մուսա Պրենսը, ընդգծելով, որ Սասունի 1894 թ. ջարդերը վերածվեցին «համ-
ընդհանուր գեներցիդի 1895—1896 թթ.»⁵⁸։ Ինչպես արդեն նշել ենք, Մուսա
Պրենսը, ավելի կոնկրետացնելով գեներցիդի բովանդակությունը, հանգեց այն
եզրակացության, որ հայերի դեպքում ավելի ճիշտ կլինի այն փոխարինել ար-
մենոցիդ հասկացությամբ։ Մըրվան ալ-Մուդավարի և Մուսա Պրենսի տված
գնահատականները հավասարապես բնորոշ են արաբ մյուս պատմաբանների
գիրքերում։

Ամփոփելով նշենք, որ արաբ պատմագրությունը սուլթան Արդու Համիդ
II-ի հայկական քաղաքականության տակ հասկանում է զանգվածային կոտո-

⁵³ Moussa Prince. Op. cit., p. 28

⁵⁴ Ֆուադ Հաֆիզ. Նշվ. աշխ., էջ 199։

⁵⁵ Նույն տեղում, էջ 203—204։

⁵⁶ Մըրվան ալ-Մուդավար. Նշվ. աշխ., էջ 367։

⁵⁷ Նույն տեղում, էջ 393։

⁵⁸ Moussa Prince. Op. cit., p. 28—29.

րաժների քաղաքականություն և Հայկանյան հարցի լուծում հայերի իսպառնչելացման ուղիով: Դրա արձատները ժամանակակից արար պատմարանները անհնում են Օսմանյան կայսրության քաղաքական և սոցիալ-տնտեսական պատկերավոր և պետական քաղաքականության աստիճանի բարձրացրած աստիճանական-շովինիստական կոնցեպցիաների մեջ:

АНТИАРМЯНСКАЯ ПОЛИТИКА СУЛТАНА АБДУЛ ГАМИДА II В ОЦЕНКЕ СОВРЕМЕННОЙ АРАБСКОЙ ИСТОРИОГРАФИИ

Доктор ист. наук Н. О. ОГАНЕСЯН

Резюме

За последние годы наблюдается повышенный интерес у арабских историков к новой истории Армении, в том числе и к периоду правления султана Абдул Гамида II (1876—1909 гг.). Наряду с общими работами Эмиля Тумы, Амина Санда, Зейн Зейна, Альберта Хаурани, Юсуфа Язбеки и других, появились специальные работы, в том числе и монографические исследования по истории Армении, в которых подробно и объективно освещается политика Абдул Гамида II в отношении армян. Среди них следует отметить «Страницы из истории армянской нации» Усмана ат-Турка, «Армяне через историю» Мрвана ат-Мудазара, «Арменоцид» Мусы Пренса, «История армянского народа с начала до наших дней» Фуада Хафиза, а также небольшие по объему, но весьма интересные работы Дамиля Хабра, Хейри Хамы и др.

Изучение указанного вопроса привело современных арабских историков к выводу, что под армянской политикой султана Абдул Гамида II следует понимать политику массовых погромов, принимавшей в итоге форму арменоцида как разновидности геноцида. Причины этого явления арабские исследователи видят в политической и социально-экономической структуре османского государства и официальной расово-шовинистической идеологии, благоприятствовавших проведению султаном жесткой политики в отношении западных армян. Арабские историки обращают внимание также на то обстоятельство, что в османском государстве не были выдвинуты какие-либо новые серьезные политические или социальные идеи и оно уповало на грубую силу, войны и погромы.